

人物傳

歸田縣

李及秀	江山秀	李穀秀	李萃秀	張聯標
李本奇	王所鏡	李延慶	邊鳳光	張應猷
楊汝楫	李生華	李生藻	李生芝	郁之蕃
王公濯	劉雲翼	侯實祿	李大謨	張簾
張作礪	周鐘泰	李慧	蔣敏倫	孫朝幹
鄭九皋	李卜年	李永貴	趙長治	王荆琢
趙玉暉	王鑿瑞	鄭鶴年	尹友德	周彬
劉銳	袁說	劉士琨	孫宜發	董修和

玉田縣

李及秀字公愚順治三年聯捷進士父培早卒事母孝家貧躬率家人飯蔬日必以一嚮奉母兩弟兩妹爲籌婚嫁裕如也釋褐以戶部主事歷員外郎郎中遷御史巡按河南上疏百餘有人避驄馬之目卒祀鄉賢

及秀酌派河夫疏略竊惟河南大政首重河工臣屢渡黃河土民環馬而泣僉云河夫重累旦夕難支臣初入地方未得要領不敢輕瀆宸聰行文管河道開封府逐一查明詳覆到臣查黃河爲患自古皆然從無一勞永逸之規而有因時制宜之法立法善官不能行其私奉行公民得以忘其役臣愚以今日之河工當更議者一當酌議者二如舊派工以地四十五頃今派夫止地二十二頃五十畝蓋昔年劉隆甫塞朱源繼潰每年用夫萬計是以派夫加倍今稍禹安濬河工有限豈可以河口潰決之日爲例乎此當更議者也夫隄岸有一定之地方百姓亦有一定之筋力河南額課每畝大率五分河夫一名每年用銀五十兩順河州縣每夫止坐地四頃或止三頃甚有止一項有奇是河工之費十倍於正項矣雜項偶同於正項民猶告困反十倍焉民何以吏况河患關乎通省原非一縣

之力所可禦若不通長較算惟本縣之民是責如河道詳稱
各府州縣皆地二十二畝五十畝派夫一名者安所用之乎
臣聞近河百姓有棄家而逃者矣夫使小民無安土重遷之
情此其心可憫其勢可虞也亟當酌議每夫一名應坐地若
干頃至於逾額則議所以協濟之而後近河之工可以相繼
此所當酌議者一也至於南陽一帶離河益遠雇覓益難據
河道開報各州縣協濟夫數不敢增減是與附近河工地方
同一按畝計夫又豈情理之平乎併當酌議每夫一名應坐
地若干頃須加倍於附近州縣非河有大工不得輕派而後
遠河地方可以相安此所當酌議者二也以上三款皆河工
不平之數均當更定以蘇民困臣非不知河道自有管轄然
通省利害所關臣目擊既真敢不據實入告如果臣言不謬
伏乞

敕下部臣議覆施行

江山秀字子玉明崇貞十五年舉人少孤孝事孀母流寇甲
申之變負母走避晝夜馳百四十里足指迸裂順治間知陝
西咸陽縣縣當孔道驛遞之費向出里下供應需索民不聊
生山秀下車首陳其弊改歸官辦民間歲省金錢數萬大兵
平蜀凱旋過境值麥熟未刈民懼踐擾山秀馳白於帥帥賢

之令兵悉屯山原無敢犯田隴者蒞任四年庭無宿獄剔奸
勤賑百廢具舉以績遷江南鎮江府同知咸陽民遮道泣送
多出潼關始返致仕歸課子睦族地方利弊視如家事悉慨
任之子震乾象乾以遺命葺學宮象乾字漪園飭躬勵行親
喪未嘗見齒事伯叔如父稟命後行奉養孀姑每析己產以
給康熙間父子並祀鄉賢

參
畿
輔唐志

李敷秀字弼成父本正任河南南陽主簿歸橐如洗敷秀舌
耕供薪水侍母病弗離左右己產讓之兄弟中年喪偶不復
娶鄉人重之

李萃秀字芝園康熙二十九年副貢博聞嗜古知交晤對終
日無情容厲色以孝友贍鄉族舉優行

張聯標字捷瀛明崇貞十五年舉人

國朝順治五年知浙江泰順縣有循聲明魯王將程煌糾眾二千餘人據龍泉關旋陷泰順不屈死之妾傅氏亦罵賊遇害僕葉朝桂以身衛主并被殺參忠義傳同治初賜卹以八世孫照襲恩騎尉世職

李本奇字寓庸疏財仗義有膽略

國初流寇擾畿東出資糧約鄉人并力守禦寇退復自西猝圍其村眾驚潰本奇仗劍巷戰中流矢死其舅劉蓋堂亦遇害有司匾旌其烈

王所鏡字鑑予縣學生明巢縣知縣惟德子父在巢以廉潔名卒後益貧所鏡於妹弟怡如也婚嫁靡不竭力娶胡氏明均州知州秉直女知書識禮伉儷尤篤每出衣飾佐日用生子濯而卒所鏡遂矢不復娶鄉里義之

李延慶字來章受學於舅氏遵化汪逢源逢源以明季知寧海州殉城延慶秉母訓每慨慕舅氏風節下帷楸子峪爲文清深峭刻問字者戶外屨常滿尤工於詩以歲貢

廷試第二選山東萊蕪縣詢民所不便如供應雜派及以熟包荒等弊悉罷之漕糧收解向爲黠胥中飽延慶請由官辦民得息肩疑獄累牘終年不決輒片言折之飛蝗及境有驚鳥數萬啄之不爲災以抗直悔當事解任旋復官竟卒民泣送者盈路

邊鳳光字虞軒明季歲貢任阜城教諭遷知東陽縣爲政務與民休息聽訟不恃敵朴婉勸改悔遇士紳以禮積通不忍苛求課自如額卒於官

張應楸字松崖履謙仲子淹博瞻辭華雍正十年舉人知四

川筠連縣勸農折獄民知禮讓囹圄空虛歷高縣平山所至
輿情愛戴卓薦告歸筠民生祝之壽八十卒著有佩蘭堂詩
集子三兆烈兆熹兆恒並縣學生

楊汝楫字濟庵屯居漢軍人以筆帖式議敘得河南靈寶縣
丞芻茭輿馬猝辦裕如漢唐宏農故渠久湮汝楫按圖疏浚
不期年復五十餘渠以賢才薦

召對稱

旨授雲南河西知縣時逆氛初靖設法招集舍宇衣糗靡不
備具人幾忘有兵燹也以憂去服闋補河南固始縣講求水
利履野規度開龍家潭東達華家岡百餘里鑿金口達團林
港五十餘里濬沙溝口達李家壩四十餘里陂塘湖港凡百
餘處尺牘丈壩嚴啟閉時灌漑江淮以北富庶稱首創建書

院又四鄉義學十處自是登甲乙科者相屬也卓薦遷知保安州治行舉

畿輔第一復

召對乞用京職

特授兵部武選員外郎未幾引退康熙三十二年固始民爲建功德祠道光四年

詔祀鄉賢祠四世孫建元亦田靈寶丞移署固始士紳歌詠成帙傳爲盛事建元字善初亦著能名薦卓異

李生華字元雅家貧孝親倚手傭供甘旨每食必有酒肉母歸葬遇烈風大雨詣塋域環遶悲號家忌及奠祭節序哀痛激切一日不御飲食舉鄉賢

李生藻父敷秀卒於南樂學署扶輓歸徒步千里哀痛不止

歲饑至啖穀殼不肯向人乞升斗知縣表之

李生芝四歲失恃悲泣不欲生成人後每一思親輒痛哭無己家貧謀食他方積有中人產舊負某債詢兄生華始知之人已故訪其子倍償焉

郁之蕃字環溪幼穎異師事州進士周體觀所悟多濂洛奧旨詩筆清越爲文藻高翔蔣赫德方人相雅愛重之延課子弟康熙二年鄉試已擬中以用經語誤黜遂放懷詩酒與王公濯諸名流作山林冠一生好潔衣冠雖敝簷如也子斌浙江縣丞途遇鬻償徭累者助使完聚官情頓淡遂告歸

劉雲翼撰

墓銘

王公濯字豐垣縣學生性明詩工詩古文詞一時知名之士多與之交遊歷四方不復進取著有夢餘草

劉雲翼字經石江西餘干知縣毓安子博學善教多所成就
凡古今政治大端以及山川風物莫不周知

侯實祿屯居漢軍增生善屬文長咏吟十三喪父悲動鄉里
年五十餘事孀母猶如赤子母疾衣不解帶者月餘藥必親
嘗母卒廬墓三年戚族婚喪多賴以舉造橋渡施棺藥善舉
尤多乾隆十四年薊州申請

旌閭建坊今子孫猶以忠厚世其家嵩乾隆十五年舉人金
璽同治元年舉人聯捷光緒九年進士改編修並多擢武科者
李大謨字定園幼慧悟嘗偕羣兒浴一兒滅頂羣兒驚走大
謨投稽引出之乾隆四十四年舉人知絳縣時有營兵慣試
刑者大謨廉其啖強藥也餓而嚴鞠之兵竟改行調太原縣
值回亂檄取民兵大謨募無業健兒入伍故兵強而民不擾

移江西玉山縣時苦旱檄促啟漕大謨以無未報檄七下報
如之調石城縣兼攝瑞金通廖廣周者左術煽眾聚逾千數
結寧都李步高等變請郡石城忽沸言賊至大謨飛牘乞兵
約察佐父老並驅家眾登陴募勇三百徇於鄉兵民皆為手
識驗無識者獲賊謀遂盡悉賊情設伏險隘大挫之步高等
先後殲大謨不解衣者四十日盡皆茁尾事

聞

審廟批事起石城其官何如何不言覆入陞知州四年不遷江
撫入

觀

上復問及權以石城需人對久之調清江薦卓異第一歷陞南
昌同知建昌知府未任卒部民聞者皆失聲大謨性抗直不

可犯或中傷亦不爲動所治必爭與望儉約如寒素時予三
士楨士楷士恩並名諸生楷以史館敘官訓導時稱楨得其
堅正楷得其厓岸恩得其孝友

豐潤進士趙國華撰傳
略案國華大謨外孫

張簾字靜齋幼失恃貧不能讀牧羊遇鄉塾必倚窗聽講遇
文人輒執經問大義事繼母孝母病不食竊刲左臂和飯進
母疾頓瘳偕友買於都以義讓起家先捐貲建義學歲暮每
施錢米濟貧乏

張作礪順治七年拔貢生知山東招遠縣招遠丁賦特重民
每避役逃亡作礪因編審陳困苦狀得除免民頌其德遷浙
江嘉定府同知閩疆告變羽檄縱橫作礪內籌防守外應芻
芟軍行無譁境內帖然卒祀鄉賢及嘉定名宦祠

唐志
畿輔

周鍾泰字山甫口口口口年舉人知四川東鄉縣性廉介聽

斷明決人無所售其奸向徵漕糧吏役百計吹求鍾泰懸徵
聽事許民自鳴不平聞聲即出漕弊以清年老致仕歸鄉縣

志補入

李慧字鏡遠乾隆元年舉人三十五年知江西安福縣寬厚
慈祥馭吏役以嚴嘗曰吾無他長但求內不愧心而已在官
修學校建津梁凡利於民者無弗舉三十六年夏山水暴發
壞田廬無算慧請發粟賑之去之日百姓遮道攀號如戀慈

父母云

據安福縣志補入

蔣敘倫字蕉軒生而孝友強記善悟通經史工詩古文辭課
徒先講品學道光二年進士知江西崇義縣卒於官初任興
國縣潔己愛士無留獄去官老幼餞送數里崇義土瘠民悍
稱難治敘倫任五年清積牘剔盜藪人重犯法良懦以安子

四慶筭慶簫慶簾慶第並以文章政績知名於時孫曾科第之盛在玉田稱最

孫朝幹廩貢生任東城副指揮以擒巨盜敘功出知江蘇沛縣會河決城沒民流離失所朝幹下車請帑修築賑饑民賴存活遷宿遷縣以忤時去

鄭九臬字顯鳴以孝親聞母病危籲天祈以身代母果起又十年始卒如所祈云寡嫂無依事如母養葬如禮一生不苟取樂獎人善族兄鶴年多義舉皆所贊子大智道光十九年舉人

李卜年以貧廢讀販書養母每歸必攜甘旨進母歿哭泣無時既葬露宿墓側泣問飢寒如是者三年聞者傷之無子撫姪讀如己出

李永貴少孤孝母母疾危竊割股肉和食進三日疾瘳或曰病者知則無效母壽入十六歿終其身不敢使知也

趙長治字德遠屯居漢軍人監生重義睦族貧無田宅者讓宅居之捐田贍之地佃負租歉歲所積豐年倍償嘉慶十八年饑長治焚其簿慨不復索道光二十年亦如之計金三千有餘鄉里稱善人子大鵬道光十九年武舉孫英祚同治十年進士山東魚臺知縣

王荆珣字樸齋乾隆五十七年舉人尙義樂施與鴉鴻橋廢出貲造舟更捐地爲歲修計道光三年施粥賑饑十二年復然活人以千計嘗爲地方任咎官民每義重之選獲鹿訓導趙玉暉字蘊山縣學生道光三年賑饑全活甚夥戚友待舉火者數十家弟玉璞早卒玆養孤姪常衛如己子延招名流